

REFERAT IIIA - Isumaginninnermut Inunnullu Innarluutilinnut Ataatsimiititaq d. 02-03-2026

Mødedato Mandag d. 02. marts 2026 kl. 17:00

Mødested Kommunalbestyrelsen ataatsimiittarfiani

Indholdsfortegnelse

| | |
|--|----|
| Saqqaa..... | 3 |
| Oqaluuserisassat akuerineqarneri..... | 4 |
| Nalunaarutit..... | 5 |
| Paamiuni Pilersitsivik pillugu ingerlatsinermut isumaqatigiissut 2026..... | 6 |
| Majoriamik ingerlatsinermut tapiissutit pillugit isumaqatigiissut 2026..... | 9 |
| 2025-mi kvartalit sisamaanni pissaanermik atuisimaneq pillugu nalunaarutiginninnernik ilisimatitsi | 11 |
| Isumaginnittoqarfimmit inissianut innersuussisarneq pillugu ilisimatitsineq 2025..... | 14 |
| 2025-mi Majoriami Inaarutaasumik misilitsinnerit nalunaarutiginerat..... | 17 |
| Ledighedsstatistik 4. kvartal 2025 og ledighedsstatistik år 2025..... | 20 |
| Inunnut innarluutilinnut tarnimikkut nappaatilinnut immikkoortortaqarfimmi pissaanermik atuinerit | 23 |
| Nuummi najugaqatigiiffinnik marlunnik pilersitsineq..... | 26 |
| Tamalaat..... | 29 |
| Imaqarniliap akuerineqarnera..... | 30 |

Punkt .: Saqqaa

Ilaasortat:

Justus Hansen (D)

Lone Rosengreen Pedersen (IA)

Ida Julie Andersen (IA)

Mala Høy Kúko (S)

Laura Tâunajik Uitsatikitseq (S)

Beslutning

Ataatsimeeqataasut:

Lone Rosengreen Pedersen

Ida Julie Andersen

Teamsikkut peqataasut:

Justus Hansen

Dorthe-Marie Mogensen-Fontain, Laura Tâunajik Uitsatikitseq-mut siinniisoq

Oqarasuaatikkut peqataasoq:

Mala Høy Kúko

Ataatsimeeqataasinnaanatik nalunaartut

Laura Tâunajik Uitsatikitseq

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Punkt 1: Paamiuni Pilersitsivik pillugu ingerlatsinermut isumaqatigiissut 2026

Beslutning

Ilisimatitsissut tusaatissatut tiguneqarpoq.

Bilag

Paamiuni Pilersitsivimmik ingerlatsineq pillugu Kommuneqarfik Sermersuup aamma Namminersorlutik Oqartussat akornanni Isumaqatigiissut, 2026

Nioqutissiornermut assingusunik ingerlatsinissat pillugit Naalakkersuisunut innersuussutit

Inatsisitigut tunngavigisat

Pilersitsiviup Kommuneqarfik Sermersuumiinnera pillugu isumaqatigiissutip allakkiartaa

Paamiuni Pilersitsivik pillugu ingerlatsinermut isumaqatigiissut 2026

Ilisimatitsissut

SagsID.: EMN-2026-00181

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Januaari 2026-mi Kommuneqarfik Sermersuup aamma Namminersorlutik Oqartussat akornanni Paamiuni Pilersitsivik pillugu ingerlatsineq isumaqatigiissutigineqarpoq. Isumaqatigiissut Kommuneqarfik Sermersuup aamma Namminersorlutik Oqartussat akornanni suleqatigiinnermut tungaviuvoq, isumaqatigiissullu aqutsinermi sakkussatut atuutissaaq.

Paamiuni Pilersitsivimmik pilersitsineq ulloq aggustip 24-at 2024-mi kommunalbestyrelsip ataatsimiinnerani akuersissutigineqarpoq. Suliniutip aningaasalersorneqarnera *2025-mut Missingersuutit pillugit isumaqatigiisummut ilaavoq*. Suliniummut aningaasaliissutitut pisariaqartitat katillugit 4 mio. kr.-iupput, taakkunannga 2 mio. kr.-it Namminersorlutik Oqartussat ingerlatsinermut tapiissutaannit matussuserneqassapput.

Pilersitsiviup sullitassai 16 - 25-nut ukioqarput, suliffeqanngitsut aamma ilinniakkamik aallartitsisimangitsut. Pilersitsivik sannavimmi ilinniartitsinermik neqerooruteqarpoq, tassani inuttut inerikkiartorneq sulianik ingerlatsinermik ilinniartinneqarnermi aamma ilisimasassanik ilinniartitsinermi ilaavoq.

Isumaqatigiissusiornermi pingaaruteqarnerpaat tassaapput:

- Kommuneqarfik Sermersooq Namminersorlutik Oqartussanit 2 mio. kr.-nik pissarsissaaq, ilaatigut aqutsisumut ilinniartitsisunullu marlunnut matussutissanik
- Namminersorlutik Oqartussanit Pilersitsivittut atuarfinnik atulersitsinermik ingerlatsinernik nalilersuineramik ingerlatsileruttorpoq. Nalilersuinerit siunissami suliniutaasussanut tungaviliissapput.

Ingerlatsivimmit aningaasatigut sulisoqarnikkullu naliliinerit

Pilersitsivimmik ingerlatsinermut aningaasartuutit missingersuutini aningaasaliissutaareersut iluani akilerneqassapput.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tungavissaq allakkallu tungaviumik uppernarsaatillit

- Suliffissanut, ilitersuisarnermut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersoq

Ilanngussaq



1. Paamiuni Pilersitsivimmik ingerlatsineq pillugu Kommuneqarfik Sermersuup aamma Namminersorlutik Oqartussat akornanni Isumaqatigiissut, 2026
2. Nioqqutissiornermut assingusunik ingerlatsinissat pillugit Naalakkersuisunut innersuussutit
3. Inatsisitigut tunngavigisat
4. Pilersitsiviup Kommuneqarfik Sermersuumiinnera pillugu isumaqatigiissutip allakkiartaa

Punkt 2: Majoriamik ingerlatsinermut tapiissutit pillugit isumaqatigiissut 2026

Beslutning

Ilisimatitsissut tusaatissatut tiguneqarpoq.

Bilag

Majoriap ingerlanneqarnera pillugu Kommuneqarfik Sermersuup aamma Namminersorlutik Oqartussat akornanni ingerlatsinermut tapiissutit pillugit isumaqatigiissut 2026.

Majoriamik ingerlatsinermut tapiissutit pillugit isumaqatigiissut 2026

Ilisimatitsissut

SagsID.: EMN-2026-00256

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

2026-mi januaarimi Kommuneqarfik Sermersooq Majoriamik ingerlatsinermut Namminersorlutik Oqartussanik 2016-mut tapiissutit pillugit nutaamik isumaqatigiissuteqarpoq. Isumaqatigiissutikkut ingerlatsinermut tapiissutit kiisalu ukiumi 2026-mi atuartut amerlassusissaat aalajangersarneqarput.

2026-mi ingerlatsinermut Namminersorlutik Oqartussanit tapiissutit 8,76 mio kr.-iupput, atuartut amerlassusissaat 244-nut aalajangerneqarluni.

2026-mi februaarip 1.-aanni Namminersorlutik Oqartussat ingerlatsinermut aningaasaliissut 70 %-iat aningaasaliissutigaat. Sinneruttut 30 %-it ukiup 2026-ip kvartaliisa sisamaanni tunniunneqassapput. Ingerlatsinermut aningaasaliissut kvartalit sisamaanni tunniunneqarnissaannut Kommuneqarfik Sermersuup aamma Namminersorlutik Oqartussat akornanni Majoriamik 2025-2027-mi ingerlatsinermut isumaqatigiissummi Angusat pillugit isumaqatigiissutip kommunimit naammassineqarsinnaanissaa piumasaqaataavoq.

Ingerlatsinermut isumaqatigiissut atsiugaq suliama ilanngunneqarpoq.

Ingerlatsivimmit aningaasatigut sulisoqarnikkullu naliliinerit

Soqanngilaq.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Majoriamik 2025-2027 ingerlatsineq pillugu Kommuneqarfik Sermersuup aamma Namminersorlutik Oqartussat akornanni Angusanut pillugit isumaqatigiissut
- Majoriap ingerlanneqarnera pillugu Kommuneqarfik Sermersuup aamma Namminersorlutik Oqartussat akornanni ingerlatsinermut tapiissutit pillugit isumaqatigiissut 2026.
- Inatsisartut inatsisaat nr. 28 ulloq 9. december 2015 suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit.

Ilanngussaq

1. Majoriap ingerlanneqarnera pillugu Kommuneqarfik Sermersuup aamma Namminersorlutik Oqartussat akornanni ingerlatsinermut tapiissutit pillugit isumaqatigiissut 2026.

Punkt 3: 2025-mi kvartalit sisamaanni pissaanermik atuisimaneq pillugu nalunaarutiginninnernik ilisimatitsissut

Beslutning

Ilisimatitsissut tusaatissatut tiguneqarpoq.

2025-mi kvartalit sisamaanni pissaanermik atuisimaneq pillugu nalunaarutiginninnernik ilisimatitsissut

Ilisimatitsissut

SagsID.: EMN-2025-00989

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Inunnullu innarluutilinnut aamma tarnimikkut nappaatilinnut suliassaqaarfimmi immersugassani nalunaarsukkat tunngavigalugit pissaanermik atuinnermut nalunaarsukkat pillugit Suliffeqarnermut Isumaginninnermullu Ingerlatsivik ataatsimiititamut kvartalikkaartumik ilisimatitsissuteqartarpoq. Ilisimatitsissummi matumani pineqarpoq 2025-mi oktobarimit decembarimut nalunaarutiginninnerit.

Innuttaasut sulisullu perorsaanermut suliatigullu tunngasunik eqqortunik eqqarsaatersortoqarsimaneranut uppersaataatissaqarnissaat qulakkeerniarlugu pissaanermik atuisimaneq uppersarneqartarpoq.

Inunnullu innarluutilinnut tarnimikkullu nappaatilinnut suliqaarfimmut nalunaarutiginnittarnerit

| Nalunaarutigineqartut suuneri | Kvartalit siulliat | Kvartalit aappaat | Kvartalit pingajuat | Kvartalit sisamaat |
|---|--------------------|-------------------|---------------------|--------------------|
| § 38 - Aalajangerlugu tigummininneq imaluunniit allamukaassineq | - | 6 | 3 | 1 |
| § 39 - Eqqiluitsuutitsinissamik aalajangiusimasagarneq | 3 | - | - | - |
| § 43 – Najugarisami tigummisaaneq | - | - | - | - |
| § 40 – Ujatsiutaasamik annoraaminermik atuneq | - | - | - | - |

Nalunaarutiginninnernik malitseqartitsineq

Kvartalit sisamaanniit pissaanermik atuisimanermit nalunaarutiginninnermi pineqarpoq, pisoq sulisunit sapinngisamik annikinnerpaamik akuliunnissamik siunertaqarluni najugaqartumik assersuisimanerat isumannaassuseq attatiinnarneqarsinnaaqqullugu. Inunnullu Innarluutilinnut Tarnimikkullu nappaatilinnut immikkoortortamit pisoq malinnaaffigineqarpoq ileqqut ilisarilersinnaajumallugit suussusersiumallugillu siunissami pissaanermik atuinerusinnaasut pinaveersaartinneqaqqullugit.

Ingerlatsivimmit aningaasatigut sulisoqarnikkullu naliliinerit

Soqanngilaq.

Missingersuusioneremut Naatsorsuusionermullu Immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviumik uppersaataillit

- Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 8, 20. juuni 2022-meersoq

Ilangussaq

Ilangussaqanngilaq.

Punkt 4: Isumaginnittoqarfimmit inissianut innersuussisarneq pillugu ilisimatitsineq 2025

Beslutning

Ilisimatitsissut tusaatissatut tiguneqarpoq.



Isumaginnittoqarfimmit inissianut innersuussisarneq pillugu ilisimatitsineq 2025

Ilisimatitsissut

SagsID.: EMN-2020-28184

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Meeqqanut Ilaqutariinnullu Ingerlatsivik – pisortaq Frederik Lundblad / FREL

Inassuteqaat

Meeqqanut Ilaqutariinnullu Ingerlatsivimmit aamma Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititaq inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit isumaginnittoqarfimmit inissiat pillugit ilisimatitsissut saqqummiunneqarpoq aamma Meeqqanut Ilaqutariinnullu Ingerlatsivimmit ataatsimiititanut attuumassuteqartunut ilisimatitsissut assingusoq saqqummiunneqassaaq. Ilisimatitsissummi maannakkut utaqqisut allattorsimaffiat kiisalu 2025-mi inissiat tunniunneqartut amerlassusaat takutinneqarput.

Kommuneqarfik Sermersuumi innuttaasut pisariaqartitsisut piumasaqaatit aallaavigalugit initaarsinnaatitaasutut nalilerneqartut isumaginninnikkut inissianik tunineqarsinnaapput.

Nuummi Inissiaqarnermut tulleriisaarisartut (BVU), Meeqqanut Ilaqutariinnullu Ingerlatsivimmit aamma Suliffeqarnermut Isumaginninnermullu Ingerlatsivimmeersunik ilaasortaartut innersuussisarnermi nalilersuutit malillugit nalilersuisarput tunniussisarlutillu. Kommuneqarfik Sermersuumi illoqarfinni tamani, tassunga ilanngullugu Ittoqqortoormiini, Tasiilami aamma Paamiuni BVU ataaseq pilersinneqarnikuuvoq. Ilaasortat katitigaanerat assigiinngisitaarsinnaavoq, 2018-imili ileqqorequsat malillugit assigiinnik pingaarnertut najoqqutassaqarput.

Inissiaatileqatigiiffiit Ini aamma Iserit isumaginninnikkut inissamat tunniussassamik inissaateqaleraangamik kommunimut saaffiginnittarput. Tamatuma kingorna inissiaq innuttaasumut utaqqisut allattorsimaffianiittumut tunniunneqartarpoq. Kommunip inissiat atorneqanngitsut 25 %-ii isumaginninnikkut inissiatut neqeroorutaasussanngorlugit Iserit isumaqatigiissuteqarfignaa.

Inissiaqarnermut tulleriiaarisartut isumagisassaraat:

- isumaginnittoqarfik aqutugalugu inissianik agguaatassanut qinnuteqaatit akuerisat pingaarnersiukkat pillugit utaqqisut allattorsimaffiannik suliaqarneq nutarterinerlu.
- utaqqisut allattorsimaffianni qinnuteqartut ataasiakkaat pingaarnersiorneqarnerat pillugu tulleriiaarilluni ingerlaavartumik isummerfiginninneq.

Ilisimatitsissutitut massakkut kisitsisit imaapput:

| Illoqarfik | Utaqqisut amerlassusaat |
|------------|-------------------------|
| Nuuk | 76 |
| Paamiut | 12 |
| Tasiilaq | 14 |



| | |
|------------------|---|
| Ittoqqortoormiit | 3 |
|------------------|---|

2025-mi inissiat tunniunneqartut amerlassusaat, illoqarfinnut, inissiaatileqatigiiffinnut ingerlatsivinnullu agguataakkat:

| Illoqarfik | Iserit | | Ini | | Katillugit |
|-------------------|--|--|--|--|------------|
| | Meeqqanut Ilaqutariinnullu Ingerlatsivik | Suliffeqarnermut Isumaginninnermullu Ingerlatsivik | Meeqqanut Ilaqutariinnullu Ingerlatsivik | Suliffeqarnermut Isumaginninnermullu Ingerlatsivik | |
| Nuuk | 38 | 19 | 5 | 3 | 65 |
| Paamiut | 0 | 0 | 3 | 2 | 5 |
| Tasiilaq | 4 | 2 | 0 | 0 | 6 |
| Ittoqqortoormiit | 2 | 0 | 3 | 0 | 2 |
| Katillugit | 44 | 21 | 8 | 5 | 78 |

Ilanngullugu ilisimatitsissutigissavarput, 2025-p ingerlanerani utaqqisut nuummi allattorsimaffiat misissuataarsimagippat. 2025-p ukiup aallartinnerani inuit utaqqisut allattorsimaffianiittut katillugit 143-ruusut allassimapput. Torersaernerup kingorna, matumani ilaatigut piffissami sivisuumi inissarsiortut tusarniaaffigaagut, qinnuteqartut 41-t peerpagut, maannakkorpiaq inissarsiorunnaarmata, ilaatigut kommunimut allamut nuussimanerat imaluunniit nammineq initaarsimanerat pissutigalugit.

Tamanna torersaareernerup kingorna 2025-p naalernerani suli inissarsiortut utaqqisut allattorsimaffianiittut katillugit 76-iupput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Inissiat attartortittakkat pillugit Inatsisartut peqqussutaat nr. 2, 12. maaji 2005-imeersoq
- BVU-mi malittarisassat 2018-imeersut

Ilanngussaq

Ilanngussaqanngilaq.

Punkt 5: 2025-mi Majoriami Inaarutaasumik misilitsinnerit nalunaarutiginerat

Beslutning

Ilisimatitsissut tusaatissatut tiguneqarpoq.

Bilag

Nalunaarutigisamik eqikkaaneq

Majoriami Inaarutaasumik misilitsinnerit 2025 nalunaarutiginerat

2025-mi Majoriami Inaarutaasumik misilitsinnerit nalunaarutiginerat

Ilisimatitsissut

SagsID.: EMN-2026-00267

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Nuummi Majoriami immikkoortukkuutaamik atuartsinnermik misiliutit suliniummik pilersitsisoqassasoq (Majoriami Inaarutaasumik misilitsinneq) ulloq 26. juuni 2023-mi kommunalbestyrelsimut akuersissutigineqarpoq. Misiliummik suliniut Nuummi ukioq atuarfiusoq 2023/2024-mi aallartinneqarpoq tamatumalu kingornagut Tasiilami Paamiuni ukioq atuarfiusoq 2024/2025-mi atorneralerluni. Taamaaliorneq kommunimi suliffissaqartitsiniarnermi politikkimut aamma immikkoortunut pilersaarummut naapertuuppoq.

Majoriami Inaarutaasumik misilitsinnerit tassaapput innuttaasunut meeqqat atuarfianni inaarutaasumik misilitsinnermik naammassinnissimangitsunut piginnaangorsarnermik neqeroorut. Atuartsineq ilikkagassanik sulianillu atuartsinertut ilusilersugaavoq taamaaliornikkut ilikkagassanut aamma sulianut tunngasut akuleriissillugit atuartsissutigineqarsinnaapput. Atuartut ataasiakkaat pisariaqartitaasa tapersorneqarnissaannut periarfissiisoqarpoq taamaattumillu sullitassanut siammassinnerusunut tunngavoq, inuusuttut immikkut pisariaqartitsisut ilanngullugit.

Majoriami Inaarutaasumik misilitsinnermik suliniut tassaavoq Namminersorlutik Oqartussat peqatigalugit ataatsimoorluni suliniutaasoq, aamma kommunini sinneruttuni piginnaangorsaaneermik aqqissuussatut ineriartortitsisoqarpoq atulersitsisoqarlunilu, nangitsilluni ilinniagaqarnissamut suliffissaqartitsitsivimmullu attuumassuteqarnissamut kajumissuutaasoq. Suliniummi suleqatigiit illoqarfinit arlallit sinniisuinik inuttalik 2025-mi nalunaarusiamik suliaqarpoq (ilanngussaq 2), tassani sammisat ingerlanneqarsimasut allaaserineqarput aamma suleriaqqinnissamut innersuussutinik tunniussisoqarpoq. Nalunaarutiginninneq ilanngussaq 1-imi eqikkarneqarpoq.

Suleqatigiissitaq naapertorlugu Majoriami Inaarutaasumik misilitsinnermik atulersitsineq Majoriami pitsanngoriaatsinik malunnaatilinnik nassataqarpoq, ilikkagassatigut, aqqissuussaaneermik perorsaaneermik. Tamanna tunuliaqutaralugu nalilerneqarpoq Majoriap siusinnerusukkut aqqissuussaaneeranut uteqqinnissaq naapertuuttussaangitsaq. Suleqatigiit nalilerpaat, suliniutinik attassineq aammalu ineriartortitseqqinneq politikikkut eqqumaffigineqarlunilu tapersorneqartariaqartoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut nalililineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Suliffissanut, ilitsersuisarnermut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersoq.
- Suliffeqarnermut politikki 2023-2033
- Suliffeqarneq pillugu immikkoortumut pilersaarut 2025-2029

Ilannugsaq

1. Nalunaarutigisamik eqikkaaneq
2. Majoriami Inaarutaasumik misilitsinnerit 2025 nalunaarutiginerat

Punkt 6: Ledighedsstatistik 4. kvartal 2025 og ledighedsstatistik år 2025

Beslutning

Ilisimatitsissut tusaatissatut tiguneqarpoq.

Bilag

Suliffissaaleqisunut kisitsisinut ilusilersukkat oqaaseqaatillu



Suliffissaaleqisut nalunaarsornerat 2025

Ilisimatitsissut

SagsID.: EMN-2026-00360

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit

suliffissaaleqineq anigorniarlugu suliniutinut killiffik pillugu kiisalu suliffissaaleqisut amerliartornerat pillugit kvartalikkaartumik ilisimatitsissutigineqartarpoq. Matumani ilisimatitsissut 2025-mut ukiumoortumik nalunaaruteqarnermut tunngassuteqarpoq. Takussutissiat aammalu itisiliilluni oqaaseqaatit ilanngussami 1-mi pissarsiarineqarsinnaapput.

Suliffissarsiornermi ikiorsiissutit aamma atortutigut unamminartorsiorneq

2024 assigalugu 2025-mi suliffissarsiornermi ikiorsiissutinut allaffissornermi qarasaasiatigut systemimik atuutsitsilerniarnikkut annertuumik unamminartorsiorfiuvoq. Systemikkut unamminartorsiorneq pissutaalluni 2025 ukiup affaa siulleq Majoriami sulisut innuttaasunut ikiorsiissutinik tunniussuineq qulakkeerniarlugu sulilersitsinissamut suliniuteqarfiusut tunulluuttariaqarsimavaat. Tamatumalu kingunerisaanik 2024-mi ukiup affaata naanerani kiisalu 2025-mi ukiup affaani siullermi suliffissaaleqisut qaffariarsimapput. Majoriaq naliliivortaaq suliffissaaleqisut amerlanerit suliffissarsiornermut ikiorsiissutinik pisartagaqarnissaq sulilernissamit imaluunniit atualernissamit orniginartinnerugaat.

Kommuneqarfik Sermersooq tamakkerlugu kommunip illoqarfiini 2025-mi suliffissaaleqinerup ineriartornera

Ukiup siulianut naleqqiullugu Suliffissaaleqineq qaffakkiartorsimavoq suliffissaaleqisut 200-t missaani amerleriarsimallutik. Suliffissaaleqisut amerlassusaat 2020-mi qaffasissutsimut naapertuutipajaarpoq.

- **Nuuk:** 3. kvartalimi suliffissaaleqisut appariarsinnarlutik 4. kvartaalimi qaffariaqqipput. Suliffissaaleqisut nutaat amerlanerit ilaqquttatik kammalaatitilluunniit ilagalugit nalunaarsortikkiartortarput. Suliffissaaleqisut amerlasuut matchgruppe 2-miipput Majoriamiik Isumaginnermi Sullissivimmiillu immikkut suliniuteqarfigineqarnissamik pisariaqartitsisuullutik.
- **Paamiut:** Suliffissaaleqineq 2025-mi aalaakkaasuvuq. Suliffissaqartitsisut amerlanngillat suliffissaaleqisullu Majoriap suliffittut innersuussaanni aallartinniarnermikkut ataniarnermikkullu ajornartorsiuqakkajuttarput.
- **Tasiilaq:** Suliffissaaleqineq 2025-p ingerlanerani qaffariarujussuarsimavoq qaffasissusaalu ukiorpassuit takuneqarnikuusimanani. Sulisussaaleqineq annertugaluortoq suliffissaaleqisut sulilertinnissaannut kaammattoruminaassimapput.
- **Ittoqqortoormiit:** Illoqarfimmi suliffissaaleqineq sulii appasippoq aalakkaallunilu.

Suliniutit

Suliffissarsiornermi ikiorsiissutitut allaffissornermi qarasaasiakkut systemi unammilligassat ataavartuuneri nassuerutigereerlugit Majoriaq 2025-mi qitiusumik suliassaqarfimminut uteqqippoq. Taamaattumik Majoriaq aasap ingerlanerani suliffissarsiornermi matchgruppe 1-mi aamma 2-miittunik qulaajaallunilu sulisinnaanermut piginnaasanik nalilersuivoq, tassanilu suliffissarsiornermi 200 missaaniittut matchgruppiit nutarterneqarput.

Suliniuteqarfiit ingerlateqqilerneratigut suliffissarsiornermi suliffeqarnermi appakaatsinneqarnissaat soorlu kajumissaarinikkut aamma aqutissiuussinikkut, piginnaangorsaanikkut, amerlanerillu sulilersitsinikkut suliffissaaleqineq appariartinneqassasoq naatsorsuutigineqarpoq. Majoriaq 2026-mi sulisussanik sisamanik sulilersitsiniarpoq. Taakkua pingaarnertut suliffissarsiornermi ikiorsiissutitut tunniussinermi suliaqassapput tassunga ilanngullugu systemip ajutoorneri aqqissuullugit. Tamanna aningaasaliissutitut atunngitsuukkanik aningaasalersorneqassaaq kingornalu ilassutitut aningaasaliissutitut qinnuteqarnikkut aningaasaliiffineqassalluni. Taamaaliornerup suliffissarsiornermi suliniuteqarfigisinnaaneri aningaasartallissavaa suliffissarsiornermi aalakkaanerulersillugit aammalu suliffissarsiornermi sivilisumik suliffissarsiornermi tunngornissaat pinaveersaartissallugu.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutitut kiisalu suliffeqanngikkallarnermi pisartakkanut aningaasartuutitut aningaasaqarnikkut sulisoqarnikkullu sunniuteqartarput.

Missingersuusiornermi Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juuni 2014-imeersoq

Ilanngussa

1. Suliffissaaleqisunut kisitsisinut ilusilersukkat oqaaseqaatillu

Punkt 7: Inunnut innarluutilinnut tarnimikkut nappaatilinnut immikkoortortaqarfimmi pissaanermik atuinerit ukiumoortumik nalunaarusiarineqarnerat 2025

Beslutning

Ilisimatitsissut tusaatissatut tiguneqarpoq.

Inunnut innarluutilinnut tarnimikkut nappaatilinnut immikkoortorta qarfirmi pissaanermik atuinerit ukiumoortumik nalunaarusiarineqarnerat 2025

Ilisimatitsissut

SagsID.: EMN-2025-00989

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Innullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqineqassasoq

Suliasamik saqqummiussineq

Isumaginninnermik suliasaqarfirmi pissaanermik atuineq pillugu Inatsisartut inatsisaat nr. 8, 20. juuni 2022-meersumi § 53-imi allassimavoq, pissaanermik atuinerit nalunaarutiginninnerit pillugit ukiumoortumik nalunaarusiaq kommunalbestyrelsimut saqqummiunneqartassasoq. Tassunga ilanngullugu Isumaginninnermut Innullu Innarluutilinnut Ataatsimiititaq pissaanermik atuinerit nalunaarutiginninnerit pillugit ilisimatitsissutinik kvartalikkaartumik tigusaqartarpoq. Taakkua ataatsimoortillugit ukiumoortumik nalunaarusiatut isigineqassapput.

Suliamik saqqummiussinermi matumani Suliffeqarnermut Isumaginninnermullu Ingerlatsivimmit ilisimatitsissutigineqarpoq, 2025-mi pissaanermik atuinerit nalunaarutigineqarnerat aamma inunnut innarluutilinnut tarnimikkullu nappaatilinnut suliasaqarfirmi nalunaarutigineqartut amerlassusiisa ineriartornerat. Ilisimatitsissummi paasissutissat nalunaaruteqarnermi immersukkat ikiorsiullugit katersorneqarput.

Pissaanermik atuisimaneq uppersarneqartarpoq innuttaasut sulisullu uppersaatissaqarnissaat qulakkeerniarlugu pissaanermik atuinerit atasumik perorsaanikkut suliatigullu eqqarsaatersuutinik eqqortunik iliortoqarsimanera.

2025-mi pissaanermik atuinerit pillugit ukiumoortumik nalunaarusiaq

| Nalunaarutigineqartut suuneri | 2021 | 2022 | 2023 | 2024 | 2025 |
|---|------|------|------|------|------|
| § 38 - Aalajangerlugu tigummininneq imaluunniit allamukaassineq | 2 | - | 3 | 4 | 13 |
| § 39 - Eqqiluutsuutitsinissamik aalajangiusimasaqarneq | 3 | 4 | - | - | - |
| § 43 – Najugarisami tigummisaaneq | 1 | - | 1 | - | - |
| § 40 – Ujatsiutaasamik annoraaminermik atuineq | - | - | - | - | - |

Nalunaarutiginninnermik malitseqartitsineq

2025-mi pissaanermik atuinerit nalunaarutiginninnerit 10-upput, ukiut siuliinut naleqqiullugit qaffariarneruvoq. Ingerlatsivimmit naliliisoqarpoq, qaffariaat pitsaasumik ineriartortoqarneranut ersiutaasoq, pissutigalugu ukiut siuliini pasitsaanneqarmat naatsorsuutigisamit pissaanermik atuinerit ikinnerusutut tikkuussisoqartoq. Taamannak ineriartortoqarneranut pissutaaqataatinneqarpoq suliasaqarfirmi sulisut aqqiagiinnginnermik nalerisaanermi

suliaqarnej pillugu piginnaasanik ineriartortitsineramik siunnerfilimmik ingerlatsinerat, tassunga ilanngullugu pissaanermik atuinnermut inatsit aamma nalunaaruteqartussaataaneq.

2025-mi pissaanermik atuinnerit amerlanerpaat innuttaasunut ikittunnguanut assigiinnut tunngassuteqarput. Pisuni arlalinni isumannaassuseq sulisunit attatiinnarneqarsinnaasimavoq innuttaasut pineqartut minnerpaamik akuliuffigalugit assersornerisigut. Innarluutilinnut Tarnimikkullu nappaatilinnut immikkoortortamit pinaveersaartitsineramik aamma aaqqiagiinnginnerit sakkukillisarnerannik ukkataqarluni sulisut piginnaasanik ineriartortitsineranni misilittakkat ilanngunneqassapput. Pisut ataasiakkaat tamarmik malitseqartinneqartarput ileqqut ilisarilersinnaajumallugit suussusersiumallugillu, taamaaliorluni siunissami pissaanermik atuinnerusinnaasunik pinaveersaartitsinnermut aqqutaaqqullugit.

Innarluutilinnut Tarnimikkullu nappaatilinnut immikkoortortamit 2026-mi aaqqiagiinnginnermik nalerisaanermik sulinnermut aamma pissaanermik atuinnermik piginnaasanik ineriartortitsinerit ukkatarineqarnerat nanginneqassapput. Avataanit suleqatigisanik aalajangersimasumik isumaqatigiissut piuvoq taakkartorneqartut pillugit ukiumoortumik pikkorissartitsinnermut tunngasoq.

Ingerlariaqqinnissaq
Ilisimatitsissut Kommunalbestyrelsimit tusaatissat tiguneqarpat Suliffeqarnermut Isumaginninnermullu Ingerlatsivimmit ilisimatitsissut Naalakkersuisunut Nunattalu Nakorsaaneqarfianut nassiunneqassaaq isumaginninnermik suliassaqarfimmi pissaanermik atuineq pillugu inatsimmi § 53 imm. 2 aamma imm. 3 naapertorlugit.

Ingerlatsivimmit aningaasatigut sulisoqarnikkullu naliliinerit
Soqanngilaq.

Missingersuusioneremut Naatsorsuusionermullu Immikkoortortamit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit
○ Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 8, 20. juuni 2022-meersoq

Ilanngussa
Ilanngussaqqanngilaq.

Punkt 8: Nuummi najugaqatigiiffinnik marlunnik pilersitsineq

Beslutning

Inassuteqaat akuersissutigineqarpoq.

Bilag

Suliamik saqqummiussineq ulloq 25. juuni 2024-meersoq, Nuummi najugaqatigiiffinnik sisamanik pilersitsinissaq

Nuummi najugaqatigiiffinnik marlunnik pilersitsineq

Aalajangiiffigisassaq

SagsID.: EMN-2025-01231

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. Nuummi najugaqatigiiffinnik nutaanik marlunnik pilersitsisoqarnera akuersissutigeqqullugu
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Ulloq 25. juuni 2024, Kommunalbestyrelsimut akuersissutigineqarpoq Nuummi najugaqatigiiffinnik sisamanik nutaanik pilersitsisoqassasoq katillugit 12-inik inissalinnik. Kingorna Iserit A/S-imit saqqummiunneqarpoq, Inunnullu innarluutilinnut tarnimikkullu nappaatilinnut Immikkoortortamit illu Manngua 6 pissarsiarineqarsinnaasoq. Aggustimi 2025 illup nunaminertaata inissiatut nalunaarsorneqarnera najugaqatigiiffimmu allanngortinneqarpoq, kingorna najugaqatigiiffiit Aqqusinersuaq 13 aamma Blok 9, Mannguani kattunneqarput, ulloq 5. november 2025 Isumaginninnermut Inunnullu Innarluutilinnut Ataatsimiititap aalajangiinera naapertorlugu.

Suliffeqarnermut Isumaginninnermullu Ingerlatsivimmit inassutigineqarpoq Aqqusinersuaq 13 aamma Blok 9-mi najugaqatigiiffinnik nutaanik marlunnik pilersitsisoqassaqullugu. Taamaaliorneq kommunip inunnullu innarluutilinnut polikkianut, sanaartugassanik pilersaarusiortanerat aamma illoqarfiit pingaarnersaannut pilersaarutaanut naapertuuppoq, tassa inuit ataasiakkaat pisariaqartitaat aallaavigalugit najugaqarfissannik naapertuuttunik neqerooruteqartoqarsinnaaneq. Najugaqatigiiffiit tassaapput kommunip inersimasunut timikkut imaluunniit tarnikkut piginnaanikillimasunut ulluunerani tapersersorneqarnernik assigiinngisitaartunik pisariaqartitsisunut neqeroorutai. Siunertaavoq innuttaasut namminneq piginnaassutsiminnik ineriartortitsinissaannut tapersersuinissaq, taakkua sapinngisamik nammineersinnaallutik inuusinnaaqqullugit.

Ingerlatsivimmit inissat nutaat arfineq-pingasut pilersinneqarusupput najugaqatigiiffinni ataasiakkaani inissat sisamat agguataarlugit. Inissat innuttaasunit utaqqisut allattorsimaffianniittunit, innuttaasunit najugaqarfimmit najugaqatigiiffimmu innersuunneqaaqqittunit kiisalu innuttaasunit ulloq unnuarlu neqeroorutinit angerlartinneqaaqqittunit ulikkaarneqassapput. Pilersitsinikkut najugaqarfinnut najugaqatigiiffinnullu utaqqisut allattorsimaffiiniittunik ikilisisassasoq naatsorsuutigineqarpoq, ukiakkut 2025 taakkununga utaqqisut innuttaasut 25 aamma 11-upput.

Illut iluarsaanneqareerput aamma iserterfigineqariaannaapput najugaqarfiit Manngua 6-imi kattunnerisa kingorna. Inassuteqaat akuersissutigineqassappat Ingerlatsivik najugaqatigiiffinnik pilersitsissaaq 2026-mi februaarip ingerlanerani.

Ilanngullugu najugaqatigiiffinnut nutaanut ataasiakkaanut tamanut malittarisassat aamma suliassat neqeroorutigineqarnerannut immikkut erseqqissaatit Ingerlatsivimmit suliarineqassapput, Innarluutilit ikiorserneqartarnerat pillugu Namminersolutik Oqartussat nalunaarutaat nr. 19, 4 novembari 2019-imeersoq naapertorlugu. Malittarisassat aamma suliassat allaaserineqarnerat kingorna politikikkut suliarineqartussanngorlugit saqqummiunneqassapput.

Ingerlatsivimmit aningaasatigut sulisoqarnikkullu naliliinerit

Najugaqatigiiffinnik nutaanik pilersitsineq ingerlatsinerlu maanna missingersuutaasut iluanni ingerlanneqassaaq. Aningaasaliissutit matussuserneqassapput innuttaasunut Isumaginninnermut Aqutsisoqarfiup ulloq unnuarlu angerlarsimaffiutaanni inissinneqarsimasut angerlartinnerisigut.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Inuit innarluutillit tapersorneqarnissaannut Inatsisartut inatsisaat nr. 13, 12. juuni 2019-imeersoq
- Inuit Innarluutillit ikiorserneqartarnerat pillugu Namminersorlutik Oqartussat nalunaarutaat nr 19 4 november 2019-imeersoq
- Inuit innarluutillit pillugit politikki 2024-2028
- Inuit Innarluutillit pillugit immikkoortumut pilersaarut 2016-2026

Ilanngussaq

1. Suliamik saqqummiussineq ulloq 25. juuni 2024-meersoq, Nuummi najugaqatigiiffinnik sisamanik pilersitsinissaq.

Punkt .: Tamalaat

Punkt .: Imaqarniliap akuerineqarnera

Beslutning

imaqarniliaq akuersissutigineqarpoq nal. 14:27